

經史百家彙鈔

續文獻通考

經史百家雜鈔卷四目錄

詞賦之屬上編二

揚雄羽獵賦

長楊賦

甘泉賦

河東賦

反離騷

解嘲

解難

班固兩都賦

幽通賦

答賓戲

張衡兩京賦

思立賦

王粲登樓賦

劉伶酒德頌

經史百家雜鈔卷四目錄

經史百家雜鈔卷四

湘鄉曾國藩纂

合肥李鴻章校

詞賦之屬上編二

揚雄羽獵賦 並序

孝成帝時羽獵雄從以為昔在二帝三王宮館臺榭沼池苑
囿林麓藪澤財足以奉郊廟御賓客充庖廚而已不奪百姓
膏腴穀土桑柘之地女有餘布男有餘粟國家殷富上下交
足故甘露零其庭醴泉流其唐鳳皇巢其樹黃龍游其沼麒
麟臻其囿神爵棲其林昔者禹任益虞而上下和草木茂成
湯好田而天下用足文王囿百里民以為尚小齊宣王囿四

經史百家雜鈔卷四 詞賦上二

十里民以爲大裕民之與奪民也武帝廣開上林東南至宜春鼎湖御宿昆吾旁南山西至長楊五柞北繞黃山濱渭而東周袤數百里穿昆明池象滇河營建章鳳闕神明駭爰漸臺泰液象海水周流方丈瀛洲蓬萊游觀侈靡窮妙極麗雖頗割其三垂以贍齊民然至羽獵甲車戎馬器械儲侍禁禦所營尙泰奢麗誇詡非堯舜成湯文王三驅之意也又恐後世復修前好不折中以泉臺故聊因校獵賦以風之其辭曰或稱義農豈或帝王之彌文哉論者云否各以竝時而得宜奚必同條而共貫則秦山之封焉得七十而有二儀是以創業垂統者俱不見其爽遐邇五三孰知其是非遂作頌曰麗哉神聖

處於玄宮。富既與地乎侔。訾貴正與天乎比。崇齊桓曾不足使
扶輶。楚莊未足以爲驂。乘挾三王之阨。僻嶠高舉而大興。歷五
帝之寥廓。涉三皇之登閔。建道德以爲師。友仁義與爲朋。以上
業於是玄冬季月。天地隆烈。萬物權輿於內。徂落於外。帝將惟
田于靈之囿。開北垠受不周之制。以奉終始。顓頊玄冥之統。迺
詔虞人典澤。東延昆鄰。西馳闔闔。儲積其待。戍夾道斬叢棘。
夷野草。禦白泝渭。經營鄠鎬。章皇周流出入。日月夫與地杳爾。
迺虎路三嶼。以爲司馬圍。經百里而爲殿門。外則正南極海邪。
界虞淵。鴻濛沆茫。揭以崇山。營合圍會。然後先置乎白楊之南。
昆明靈沼之東。賁育之倫。蒙盾負羽。杖鏐邪而羅者。以萬計。其

餘荷垂天之畢。張竟埜之罟。靡日月之朱竿。曳彗星之飛旗。青
 雲為紛虹蜺。為縵屬之乎崑崙之虛。渙若天星之羅。浩如濤水
 之波。淫淫與與。前後要遮。櫂槍為闐。明月為候。熒惑司命。天弧
 發射。鮮扁陸離。駢衍佻路。徽車輕武。鴻網捷獵。殷殷軫軫。被陵
 緣岷。窮曼極遠者。相與列乎高原之上。羽騎營營。分殊事績。
 紛往來。輻輳不絕。若光若滅者。布乎青林之下。以上獵場之盛於
廣儀衛之盛於
 是天子乃以陽晷始出乎玄宮。撞鴻鐘。建九旒。六白虎載靈輿。
 蚩尤竝轂。蒙公先驅。立厯天之旂。曳捎星之旂。霹靂烈缺。吐火
 施鞭。萃從沈溶。淋離廓落。戲八鎮而開關。飛廉雲師。吸鼻瀟率。
 鱗羅布列。攢以龍翰。啾啾蹒蹒。入西園。切神光。望平樂。徑竹林。

蹂蕙圃踐蘭唐以上天子舉烽烈火轡者施技方馳千駟狡騎

萬帥虓虎之陳從橫膠轕焱拉雷厲驥駢駘磔海海旭旭天動

地吸羨漫半散蕭條數千里外若夫壯士忼慨殊鄉別趣東西

南北騁耆奔欲地蒼豨跋犀犛蹶浮麋斲巨狴搏玄猿騰空虛

距連卷蹕天矯娛澗閒莫莫紛紛山谷為之風焱林叢為之生

塵以上正賦田獵及至獲夷之徒蹶松柏掌茨黎獵蒙龍麟輕飛履般

首帶修蛇鉤赤豹揜象犀距巒阮超唐陂車騎雲會登降闔藹

秦華為旒熊耳為綴木仆山還漫若天外儲與乎大浦聊浪乎

宇內於是天清日晏逢蒙列眚羿氏控弦皇車幽輶光純天地

望舒彌轡翼乎徐至於上蘭移圍徙陣浸淫斲部曲隊堅重各

經史百家雜考卷四 詞賦上二

按行伍壁壘天旋神扶電擊逢之則碎近之則破鳥不及飛獸

不得過軍驚師駭刮野掃地及至罕車飛揚武騎聿皇蹈飛豹

霜鳴陽追天寶出一方應駢聲擊流光野盡山窮囊括其雌雄

沈沈溶溶遙噓乎紘中三軍茫然窮尤闕與亶觀乎剽禽之繼

踰犀兕之抵觸熊羆之挈攫虎豹之凌遽徒角搶題注賊竦聳

怖魂亡魄失觸輻關脰妄發期中進退履獲創淫輪夷邱累陵

聚以上獲禽之多於是禽殫中哀相與集於靖冥之館以臨珍池灌以

岐梁溢以江河東瞰目盡西暢無崖隋珠和氏焯爍其陂玉石

簪奩眩燿青熒漢女水潛怪物暗冥不可殫形之驚孔雀翡翠

垂榮王睢關關鴻雁嚶嚶羣娛乎其中噍噍昆鳴鳧鷖振鷺上

此並甘泉屏
王女御宛妃
同指

下碎磔聲若雷霆乃使文身之技水格鱗蟲凌堅冰犯嚴淵探
巖排碕薄索蛟螭蹈獫獯據黿鼉拏靈虯入洞穴出蒼梧乘巨
鱗騎京魚浮彭蠡目有虞方椎夜光之流離剖明月之珠胎鞭
洛水之宓妃餉屈原與彭胥以上於茲乎鴻生鉅儒俄軒冕雜
衣裳修唐典匡雅頌揖讓於前昭光震耀蠻貊如神仁聲惠於
北狄武誼動於南鄰是以旃裘之王胡貉之長移珍來享抗手
稱臣前入圍口後陳廬山羣公常伯楊朱墨翟之徒喟然竝稱
曰崇哉乎德雖有唐虞大夏成周之隆何以侈茲夫古之覲東
嶽禪梁基舍此世也其誰與哉上猶謙讓而未俞也方將上獵
三靈之流下決醴泉之滋發黃龍之穴窺鳳皇之巢臨麒麟之

園幸神雀之林奢雲夢侈孟諸非章華是靈臺罕徂離宮而輟
觀游土事不飾木功不彫丞民乎農桑勸之以弗怠儕男女使
莫違恐貧窮者不徧被洋溢之饒開禁苑散公儲創道德之園
弘仁惠之虞馳弋乎神明之囿覽觀乎羣臣之有亡放雉兔收
置罟麋鹿芻蕘與百姓共之蓋所以臻茲也於是醞洪憲之德
豐茂世之規加勞三皇勗勤五帝不亦至乎乃祇莊雍穆之徒
立君臣之節崇賢聖之業未遑苑囿之麗游獵之靡也因回軫
還衡背阿房反未央以上諷諫反之於道德

揚雄長楊賦 并序

明年上將大誇胡人以多禽獸秋命右扶風發民入南山西

自褒斜東至弘農南。毆漢中張羅網，罾罟捕熊羆、豪豬、虎、豹、
狢、獾、狐、兔、麋、鹿，載以檻車，輸長楊射熊館。以網爲周，陸縱禽
獸其中，令胡人手搏之，自取其獲。上親臨觀焉。是時農民不
得收斂，雄從至射熊館，還上長楊賦。聊因筆墨之成文章，故
藉翰林以爲主人。子墨爲客卿，以諷其辭曰：

子墨客卿問於翰林主人曰：蓋聞聖主之養民也，仁霑而恩洽，
動不爲身。今年獵長楊，先命右扶風，左太華而右褒斜，椽截薛
而爲弋紆南山，以爲罾羅，千乘於林莽，列萬騎於山隅。帥軍蹕
陸錫戎，獲胡搃熊羆，拖豪豬，木擁槍纍，以爲儲胥。此天下之窮
覽極觀也。雖然，亦頗擾于農人。三旬有餘，其塵至矣，而功不圖。

恐不識者外之則以為娛樂之游內之則不以為乾豆之事豈
 為民乎哉且人君以玄默為神澹泊為德今樂遠出以露威靈
 數搖動以罷車甲本非人主之急務也蒙竊惑焉翰林主人曰
 吁客何謂茲耶若客所謂知其一未覩其二見其外不識其內
 也僕嘗倦談不能一二其詳請略舉其凡而客自覽其切焉客
 曰唯唯主人曰昔有彊秦封豕其土竄竄其民鑿齒之徒相與
 磨牙而爭之豪俊糜沸雲擾羣黎為之不康於是上帝眷顧高
 祖高祖奉命順斗極運天關橫鉅海漂崑崙提劍而叱之所過
 靡城擗邑下將降旗一日之戰不可殫記當此之勤頭蓬不暇
 梳飢不及餐鞮整生蟣蝨介冑被霑汗以為萬姓請命乎皇天

迺展人之所。詘振人之所。乏規億載。恢帝業。七年之間。而天下

密如也。祖以上高武助逮至聖文。隨風乘流。方垂意於至甯。躬服節儉。

綈衣不弊。革鞜不穿。大厦不居。木器無文。於是後宮賤瑇瑁而

疏珠璣。卻翡翠之飾。除雕琢之巧。惡麗靡而不近。斥芬芳而不

御。抑止絲竹宴衍之樂。憎聞鄭衛幼眇之聲。是以玉衡正而太

階平也。以上孝文儉約其後熏鬻作虐。東夷橫畔。羌戎睚眦。閩越相亂。

遐眠為之不安。中國蒙被其難。於是聖武勃怒。爰整其旅。迺命

驃衛汾沅。沸渭雲合。電發焱騰。波流機駭。蠡軼疾如奔星。擊如

震霆。碎輶輻。破穹廬。腦沙幕。髓余吾。遂躡乎王庭。毆橐駝。燒爛

蠡分。勢單于。磔裂屬國。夷阮谷。拔鹵莽。刊山石。蹂屍輿。厮係累

經史百行案惟少
詞賦上二

老弱。吮銕。癯耆。金鏃。淫夷者數十萬人。皆稽顙樹頌。扶服蛾伏。二十餘年矣。尚不敢惕息。夫天兵四臨幽都。先加迴戈。邪指南越。相夷靡節。西征羌夔。東馳是以遐方。疏俗殊鄰。絕黨之域。自上仁所不化。茂德所不綏。莫不躋足抗首。請獻厥珍。使海內澹然。永亡邊城之災。金革之患。以上武帝兵事今朝廷純仁遵道。顯義并包書林。聖風雲靡。英華沈浮。洋溢八區。普天所覆。莫不沾濡。士有不談王道者。則樵夫笑之。意者以為事罔隆而不殺。物靡盛而不虧。故平不肆險。安不忘危。迺時以有年。出兵整輿。竦戎振師。五柞習馬。長楊簡力。狡獸校武。栗禽迺萃。然登南山。瞰烏弋。西厭月蝓。東震日域。以上元成太平宴安故講武以安不忘危又恐後代迷於一時。

之事常以此爲國家之大務。淫荒田獵。陵夷而不禦。也是以車
不安。輒日未靡旃。從者彷彿。執屬而還。亦所以奉太尊之烈。遵
文武之度。復三王之田。反五帝之虞。使農不輟耰工。不下機婚。
姻以時。男女莫違。出愷弟行。簡易矜劬勞。休力役。見百年存孤
弱。帥與之同苦樂。然後陳鐘鼓之樂。鳴鞀磬之和。建碣磻之虞。
拈隔鳴球。掉八列之舞。酌允鑠肴樂胥聽。廟中之雍雍。受神人
之福祐。歌投頌吹合雅。其勤若此。故真神之所勞也。諷諫上方將
俟元符以禪梁甫之基。增泰山之高。延光於將來。比榮乎往號。
豈徒欲淫覽浮觀。馳騁杭稻之地。周流黎粟之林。蹂踐芻蕘。誇
詡眾庶。盛狝獲之收。多麋鹿之獲哉。且盲者不見咫尺。而離婁